

جريدة محاكم

١٢٩٠

❖ صالى ❖

64

نومرو	شوال	سنه	ايلول	سنه	صحيفه
٦٤	٢٣	١٢٩٧	١٨	١٢٩٦	٥٠٥

❖ اشبو غزته بهر هفته صالى كونلرى چيقار . سنه لىكى التمش غروش و بهر نسخدهسى التمش پاره ❖
 ❖ مجيديه اوله رق هر يرده صاتيلور . درج اولنه جق اعلاناتك بهر سطرندن ايكي غروش النور . ❖
 ❖ سنه لىكنه مشترى اولمق استيانلر عدليه نظارت جليله سى اوراق مدير لىكنه مراجعت ايتلدير ❖

(توجيها ت عدليه)

اطنه ولايتى عدليه مفتشلىكى يانيه ولايتى عدليه مفتشى
 سابق سعادتلو اوخانس افندى حضرتلرينه
 يانيه ولايتى عدليه مفتشلىكى اطنه ولايتى عدليه مفتشى
 سابق سعادتلو تحسين افندى به توجيه بيورلشدر

(التمش ايتكجى نومرولى جريده، محاكمده مندرج)
 (اعلامك بقيه سى)

دسپنو قادين مذكور ايرانامه ده موضوع اولان
 امضا كندوستك اولوب ساخته اولديغنى بيان
 ايلديكى مثللاو ايرانامه هامشده محرراولان شاهدلردن
 وقوع بولان تبييه اوزرينه مر قومونك اقامه ايتدكارى
 كاتب محمد افنديك افاده سى دى دفع دعوايه
 غير موافق بولنديغندن اوديكر شاهدلك كتورلسى
 ضمنده تعيين اولنان كونده مر قومون كلامش
 ومستميندن بوستانجى اوغلى طودوراكى ولازاراكي
 بچارينوس افنديلر حاضر اولديغنى حالده مزبوره
 دسپنو قادينه يازدير يلان امضاتك سالف الذكر

ايرانامه ده محرراولان امضايه مشابيهتى اولديغنى
 افندى مومى اليهما طرفندن باراپورت بيان قنوب
 مر قومونك عدم حضورى ملايه سيله تحقيقات
 سارويه دى محل كوريله مامش اولديغندن اصول
 محاكمه حقوقيه قانون موقتك سكسان درنجى
 ماده سنه توفيقاً بعدما قابل اعتراض اولماق اوزره
 اعلام غيابه سايك حكمتك عن الغياب تصديقه
 قرار ورايدىكى كى اوابسايده تنظيم اولنان اعلام
 عليهنده مر قومون بوركى وزا فرمجه وابورانيه
 استيناف دعواسنه قيام ايدرك منازع فيه اولان
 يوزيتمش التى ليرا ابله بتمش ايكي غروشك تاديه سنه
 كندورينك كفالتلرى اولديغنى و ايرانامه زيرنده كى
 امضا مزبوره دسپنو قادينك امريله يكنى طرفندن
 وضع اولنديغنى ادها ايتمشلرايسه ده محاكمه استيناف
 حقوق قسمنجه غيابه ووجاها جريان ايدن تدقيقات
 ومحاكمه نتيجه سنده دى مر قومون بوركى
 وزا فرمجه وابورانيه نك درجه اولى محاكمه سنجه
 مزبوره دسپنو قادينك ايراز ايتديكى سندلك حاوى

اولدینگی یوزیتش التی لیرا ویتش ایکی غرو شک
 تأدیه سنه کفیل اولدقلرینی تصدیق و اقرار و سالف
 الذکر ابرانامه ده موضوع اولان امضانک دسینوقادین
 طرفندن وضع ایلدیکنی افاده و تذکار ایتمش ایکن
 شمدی مبلغ مدعانک تأدیه سنه کفیل اولدقلرینی انکار
 ایله ابرانامه ده کی امضانک مزبوره دسینو قادیک
 امریله یکنی طرفندن قوندلینی یولنده برمنوال
 محرر ادعا ده بولمغلی یکندیگره مناقض و منافی
 اولدینگی کی مزبوره دسینونک بازوسی اولدینگی
 حالده یکنه وضع امضا ایتمدی دیلمغلی دخی
 مصلحتنه غیر موافق اولدینغه و مر قومون یورکی
 وزافر یچه و ایورانیه بشقه دلیل ابراز ایله مبوب
 طالب تحلیف دخی اولدقلرینه بناء ادعای
 مذکورلینک ردیله مبلغ محکومه مزبورک مع قانص
 مر قومون یورکی وزافر یچه و ایورانیه دن تحصیلنه
 حکم اولدینگی اکلا شلمشدر

مر قومون یورکی وزافر یچه و ایورانیه نک لایحه
 اعتراضیه سی مندرجاتی ذکر اولان ابرانامه زیرنده
 موضوع اولان امضانک مزبوره دسینونک خط
 دستیه تحریر اولدینغه دأر درجه اولی محکمه سنجه
 برکونه افاده لری سبق ایتمش ایکن امضای مذکورک
 دسینوقادینک امریله یکنی جانبندن وضع اولدینغه
 دأر استینافاً واقع اولان ادعایینه مناقض معناسی
 وریله رک برمنوال محرر حکم اولنمی و بدایه استماع
 اولنان شاهد محمد قندیمن ماعداسنک جلییه افادات
 و اخبار اتلری استماع اولنهرق قرار ابتدائی موجبجه
 مصلحتک اکیال تدقیقاتی لازمه دن اولدینگی حالده
 بوندن صرف نظر اولدینگی کی محاکمه لریک ختام
 بولدیغک دخی تفهیم اولنماسی مغایر اصول
 و نظام اولدینغدن بچله اعلام مذکورک نقضی
 استدعان عبارتدر

مدعی علیها دسینوقادینک تیجه جوابی دخی باعث

زع اولان امضانک مر قومون یورکی وزافر یچه
 و ایورانیه کندو طرفندن وضع اولدینگی اده ایتمغلی
 اوزرینه محکمه ابتداییه جه امضانک تحقیق و تطبیقه
 کریشله رک افاده لریک خلاف واقع اولدینگی تبیین
 ابتد کدن بشقه عندالاستیناف مذکور امضانک امریله
 یکنی طرفندن وضع اولدینغه دأر مر قومونک درمیان
 ابتدکاری ادعانک دخی اولکی افاده لریک مبین
 و مناقض اولسندن و بویله یکندیگره مناقض
 اولان ادعانک شهود اقامه سیله اثباتی غیر جائز
 بولمسندن ناشی محکمه استینافیه جه مر قومون
 یورکی وزافر یچه و ایورانیه نک ادعای مذکورلینک
 رد ایلمسی یولنده اولدینگی بیایله اعلامک تصدیق
 طابقی محتویدر

بونک اوزرینه مدعی علیها دسینو قادیک جوابه
 مسروده سندن بشقه بر افاده سی اولدینگی لدی اسؤال
 اکلا شلمشدر امر محاکمه نک ختام بولدیغی کسوسنه
 تفهیم قلندی

ایجابی لدی المذاکره تمیز استدعا سنده بولنان
 مر قومون یورکی وزافر یچه و ایورانیه نک بالا محرر
 اعتراضاتی ذکر اولنان ابرانامه زیرنده موضوع
 اولان امضانک مزبوره دسینوقادینک خط دستیه
 بازادینغه دأر محکمه ابتداییه جه برکونه افاده لری
 سبق ایتمش ایکن استینافاً امضای مذکورک
 دسینونک امریله یکنی جانبندن تحریر اولدینغه
 متدأر واقع اولان ادعایینه مناقض معناسی ویش
 و بدایه جلب اولنمین شاهدک جلب و استماعیله
 بر موجب قرار ابتدائی مصلحتک اکیال تدقیقاتی
 لازمه دن اولدینگی حالده کرک بوندن و کرک محاکمه لریک
 ختام بولدیغک طرفینه تفهیمندن صرف نظر
 قلنش اولدینغدن بچله اعلام استینافینک نقضی
 طلبندن عبارت بولنش ایسه ده مزبوره دسینوقادینک
 متوفاة انسطاسیه خاتونه ذمتمنده ایکی قطعه سند

موجبجه مطلوبی بولنان یوزیتش التی لیرا ایله
 یتش ایکی غروشک مع قانص مر قومون یورکی
 وزافر یچه و ایورانیه دن بحسب الکفاله تحصیل حکمی
 متضمن درجه اولی محکمه سندن استحصال ایلدیکی
 اعلام غیابی علیهنده مر قومون جانبندن اعطا قلنان
 اعتراض علی الحکم عرضحالی اوزرینه جریان ایدن
 محاکمه و جاهیده مر قومون یورکی وزافر یچه
 و ایورانیه نک کفالت واقع لریک تصدیق و اقرار ایله
 برابر مبلغ مزبوره دن یوز الی لیراسنک والده لری
 متوفاة مزبوره جانبندن حال حیاتیته تأدیه اولنهرق
 دین سندیک ضایع اولدینگی بیان اولنمسیله مزبوره
 دسینونک خط دستیه بر قطعه ابرانامه اعطا ایتمش
 اولدینگی بیان و افاده ایلدکلری حالده عندالاستیناف
 مبلغ مدعانک تأدیه سنه کفالت ایتمش اولدقلرینی
 و مذکور ابرانامه ده موضوع امضانک مزبوره
 دسینونک امریله یکنی طرفندن وضع اولدینگی
 سرد و اتیان ایدرک بدایه سبق ایدن افاده لریک مبین
 و مناقض صورتده ادعا ده بولندقلری اعلام معترض
 علیهنده محرر و مندرج بولنش و بومقوله اعلاماتده
 مندرج احوال و کیفیاتک برکونه اوراق رسمیه ایله
 عکسی اثبات اولنمقدجه محکمه تمیز جه محقق
 عد اولنمی اصول محاکمه حقوقیه قانون موقتک
 ایکیوز اونوزیدنجی ماده سی احکامندن بولنش
 اولمسیله مر قومون یورکی وزافر یچه و ایورانیه نک
 مندرجات اعلامه عارشو محکمه ابتداییه ده
 سالف الذکر ابرانامه ده کی امضانک مزبوره دسینو
 قادیک خط دستیه تحریر اولدینگی یولنده برکونه
 افادانده بولندقلرینی با بیسان امضای مذکورک
 مزبوره نک امریله یکنی طرفندن وضع ایلدیکنه
 دأر استینافاً واقع اولان ادعایینه مناقض اولدینغه
 دأر برمنوال محرر درمیان ایلدکلری اعتراضی
 واهی اولدینگی کی بویله یکندیگره مبین و مناقض

بولنان ادعانک اساساً شایان استماع اولماسیله محکمه
 استینافیه جه ادعای مذکورک تدقیقاته کریشله رک
 درجه اولی محکمه سنده استماع اولنمین شاهدک
 جلیی اقتضا ایتمسه چکی درکار و اعلام معترض
 علیهنده کوسرتلیدیکی اوزره طرفینک لایحه اعتراضیه
 و جوابیه لری خارجنده شفاهاً بر دیه جکلری اولوب
 اولدینگی عندالاستیناف استفسار اولنش و اولباید
 درمیان ایلدکلری افاداتک لایحه لری مندرجاتی
 تکرار دن عبارت ایدوکی اکلا شلمسیله امر محاکمه لری
 شوصورتله ختام بولهرق مصلحت تحت تذکره انمش
 اولغله برابر محاکمه مذکورنک ختام بولدیغک
 طرفینه تفهیم اولنماسی دخی حکم واقعی تغییر
 و احلال ایدر درجه ده اصول محاکمه یه مخالف
 و بنابرین حکم مذکورک نقضی مستلزم اولور
 اسبابدن معدود اولدینگی آشکار اولدینغدن
 هر قومون یورکی وزافر یچه و ایورانیه نک بوجهتله
 متفرع اولان اعتراضاتی دخی اسباب اربعه نقضیه دن
 کوریه مامش و محکمه استینافیه جه مر قومونک
 محکمه ابتداییه ده کفالت واقع لریک تصدیق و اقرار
 ایتمندن و ابراز ایلدکلری ابرانامه حقیقده درمیان
 ایتمش اولدقلری ادعا و افاداتک دخی یکندیگره مبین
 و مناقض اولسندن طولانی ادعا و افادات مذکورلریک
 ردیله مر قومونک تحت تصدیق و اقرار لرنده بولنان
 کفالتلرینه اسناداً برمنوال محرر محکومیتلری طرفنه
 کیدلسی بولنده و موافق اصول و نظام بولنش
 اولدینغه بناء مر قومونک تمیز استدعایینک ردیله
 اعلام معترض علیها تصدیقه و اعلام و صورت
 و تبلیغ خرجلری اولان یک ایکی یوز اون التی
 غروشک مر قومون یورکی وزافر یچه و ایورانیه یه
 عائد اولمق اوزره اول امر ده مدعی علیه دسینوقادیندن
 المنسبه فی ۵ نیسان سنه ۹۶ تاریخنده منفیاً قرار
 وریله رک مزبوره دسینویه تفهیم قلندی

(فی ۱۵ رجب سنه ۹۷ وفی ۱۱ حزیران)
(سنه ۹۶ تاریخله محکمه تمیز حقوق دأره سندن)
(ویریلان اعلامک صورنیدر)

سیروز سنجاغنده ساکن گوشه اوغلی نیقوله ایله
پنارنده متحدت دعوایه دأر زینخه قضاسی بدایت
محکمه سندن اعطا قلنان ۱۷ ربیع الآخر سنه
۹۵ تاریخلی اعلامک تمیزاً رویت و تدقیق قضاه
مزبورہ تابع کوچک قریه لی خرسنو شمو و مغه ناشو
طرفلرندن اعطا قلوب با تحریرات مخصوصه سلانیک
ولایتندن محکمه تمیز حقوق دأره سنه ارسال اولنان
عرضحال ایله متفرعاتنده استدعا و قریه مزبورہ لی
شیون خرسنو نام کسنه نک امضاسیله محضی و محکمه
مذکورہ دن مصدق برقطعه کفالتامه اعطاسیله
شرائط تمیزیه جله سندن اولان تأیینات دخی
ایضا قلمش و متعاقبا مستدعی تمیز مر قومان
خرستو شمو و مغه ناشونک باسند مصدق وکیل
نصب و تعیین ایلدکاری عوادیس پوردامیان
افندیکن وقوع مراجعت و طلبی اوزرینه تاریخ
تبلینندن اعتبارا یکریمی برکون مدت ختامنده لاجل
الحاکه دأره ده حاضر بولتمسچون علی الاصول
تنظیم و مدعی علیه مر قوم گوشه اوغلی نیقوله یه
تبلیغ اولتمق اوزره با تحریرات ولایت مشار الیهابه
کوندیریلان احضار پوصله سی مدعی علیه مر قومه
تبلیغ وزیری امضا ایتدیر بلرک ولایت مشار الیهانک
تحریرات جوابیه سیله اعاده اولتمش اولدیغی حالده
مدت مذکورہ ختامنده مر قوم نیقوله کلیدیکی کی
طرفندن بروکیل دخی کوندرمامش اولدیغنه
و مستدعیلر وکیلی عوادیس افندی بالمراجعه حکم
نظامک اجراسنی طلب ایلدیکنه بناء اصول محاکمه
نظامنامه سنک التمس سکرنجی ماده سی حکمه توفیقا
مدعی علیه مر قوم نیقوله نک غیابنده تدقیقات
تمیزیه اجراسنه ابتدار و اوراق موجوده بعدالقرانه

ادعا و افاده سی وکیل مومی الیهدن استسار
قلندی

مذکور اعلام مندرجاتنه نظر امر قوم گوشو و غلی
نیقوله مذکور کوچک قریه لی پایا خرشمو و لدر یا
قوجه باشی و توخار نیقوله و زخربا قرستل و پایا التماس
و کربا کینه خیره و مغه ناشو و چولاق خرسنونک
اعطا ایلدکاری برقطعه سند موجبجه کندوسندن
قریه مزبورہ اهلایسی نامه اوله رق لبرای ثمنانی
یوز بش غروش حساسیله بشیک اوچیوز سکسان بچق
غروش استقراض ایتش و پرسنه صکره رویت
اولنان محاسبه ده مبلغ مستقرض مزبور فائضیه
برابری بیک غروشه بالغ اوله رق اولیابده مر قوموندن
اندربا قوجه باشی و نیقوله توخار و پایا خرشمو پایا
اطناش نام کسنه لک امضاسنی شامل برقطعه سند
المش اولدیغی و مؤخر مذکور یدی بیک غروشک
دخی گذشتنه متراکه سیله وقوع بولان تسلیمات
محاسبه سی بارو یه الاجنی اولدیغی تبین ایدن بش
بیک ایکبوز قرق غروشی حاوی مر قوموندن اندربا
قوجه باشی و نیقوله توخار و پایا خرشمو طرفلرندن
برقطعه سند اعطا قلندیغی کی اخیرا دخی ووع
بولان طلب و مراجعت اوزرینه محکمه تجارت لوجه
مر قوموندن پایا خرشمو و توخار نیقوله جلب ایله
سندات مزبورہ موجبجه محاسبه لازمه لری رویت
واهلای مر قومه جاندندن تسلیم قلنان درت بیک
کسور قیه حنطه ثمنانی محسوب اوله رق ظهور
ایدن درت بیک بشبوز غروش الاجنی محکمه مزوره
معرفتله سنده ربط ویا لکر مر قومان پایا خرشمو
ایله توخار نیقوله طرفلرندن امضا ایلدیکندن بئمله
ذکر اولنان درت بیک بشبوز غروشک مع فائض بلاده
اسلمری محرر کسان ایله اهلای قریه نک معتبراندن
تحصیلنی طلب و دعوی ایتسی و جلب و استجاب
اولنان قریه مزبورہ اختیار مجلسی اعضاری مداینه

مشروح دینی انکار ایتکله برابر سند اخیر مزبوری
امضا ایدن مر قومان پایا خرشمو و توخار نیقوله
علیل و سقبط بولند قلمری جهته قریه مزبورہ به مأمور
ارسالیله تحقیق ماده اولتمسنی طلب ایلمری اوزرینه
تحقیق ماده ضمننده قریه مزبورہ به مأمور مخصوص
اعزامیله مر قوم توخار نیقوله نک وفات ایدوب پایا
خرشمونک دخی معنوه اولدیغی جهته مر قوماندن
ماعداسندات عتیقه ده امضاری بولنان کسان ایله
قریه مزبورہ معتبراندن تحقیق ماده اولند قده ذکر
اولنان بیک سکر یوز التمس تاریخلی اوچنجی سندک
حاوی اولدیغی بشبیک بوقدر غروش اهلای قریه نک
دینی اولدیغی و فقط مبلغ مزبوری داین مر قوم
نیقوله نک اخذ وکیل تعیین ایتدیکی قریه مزبورہ لی
اغورشته بورغاک نام کسنه اهلای قریه دن تحصیل
ایلدیکی جهته داین مزبورہ بر پاره بوج قالماش
ایدوکنی تذکار و بونلرک محکمه مر قومه یه دخی جلب
و استجاب اولند قلرند افادات سابقه لری تبین تکرار
ایلمش ایسملر ده ذکر اولنان اوچنجی سندک حاوی
اولدیغی بشبیک بوقدر غروشه مقابل اهلای قریه
جاندندن داین مزبور نیقوله یه تسلیم اولنان معلوم
المقدار حنطه ثمنانی بعد التزیل مذکور محکمه
تجارت لواده رویت محاسبه اوله رق متباقی بیک
ایکیوز غروش مر قوم نیقوله نک مطلوبی تبین ایتش
و بونک دخی چند سنه لک گذشته سی ضم اوله رق
درت بیک بوقدر غروشه بالغ اولمسیله موجبجه محکمه
مذکورہ جه سند اخیر مزبور تنظیم اولتمش اولدیغنه
بناء سند مزبورک حاوی اولدیغی درت بیک بشبوز
اوتوز غروشک بلا فائض قریه مزبورہ اهلای سندن
التمس اوزره معلوم الاسامی سکر نفر کساندن تحصیلنه
قرار و برلیدیکی اکلاشلشد

مستدعی تمیز مر قومان خرسنو شمو و مغه ناشو
طرفلرندن ویریلان لایحه ده مندرج اعتراضاتدن

باشلیجه سی مذکور زینخه بدایت محکمه سنده مدعی
صفتنده بولنان مر قوم گوشو اوغلی نیقوله اهلای
قریه نامه اوله رق مذکور الاسامی سکر نفر کسانک
کندوسندن استقراض ایتدکاری مبلغ مزبورک
اهلای قریه دن تحصیلنی طلب و دعوی ایتش و مجله نک
بیک التیوز اون یدنجی ماده سی ایجابجه مدعی
علیهک معلوم اولسی مشروط اولوب بناء علیه
تصریح اسم اولتمسزین علی الاطلاق بر قریه
اهلایسی نامه اقامه اولنان دعوانک اساساری
لازمه دن بولتمش ایکن رد اولند قدن بشقه مادامکه
اهلای قریه مدعی علیه مقامنده طو تلمشدر
بو حالده یا اهلای مر قومه نک جله سنک محاکمه
حاضر بولندیرلسی و یا خود طرفلرندن اصولنه
موافق تعیین ایله جکرلی بروکیل مواجهه سنده
اجرای محاکمه لری لزومی درکار اولدیغی حالده محکمه
مزبورہ جه اهلای مر قومه طرفلرندن برکونه وکالتی
اولمیان و دین سندنده امضاسی بولتمیان قریه مزبورہ
مختاریله اختیار مجلس اعضاسندن برقاچ کسنه نک
جلب و محاکمه سیله حکم و اعلام اولتمسنی اصول و قانونه
مخالف اولدیغی کی تنظیم اوله جق اعلامانده
مدعی علیه اسم و شهرت و صنعت و اقامتکاهی
درج و تصریح اولتمق ایجاب نظام سندن ایکن
بو خصوصده مدعی علیه عد اولنان قریه مزبورہ
مختاریله اختیار مجلس اعضالینک اسم و شهرت لری نک
تصریح و بیان اولتماسی اصول محاکمه یه مغایر بولندیغی
والحاصل محکمه مزبورہ جه محاکمه واقعه بولسز
و اصول و نظامه مغایر صورتده جریان ایتش و بناء
علیه لاحق اولان حکمک دخی بالوجه مخالف قانون
اولدیغی درکار بولتمش اولدیغندن بئمله اعلام
مزبورک نقضی استداسندن عبارتدر

مر قوم نیقوله نک لایحه جوابیه سی مندرجاتی دخی
اولا تمیزی طلب اولنان مذکور زینخه بدایت

محکمه سی اعلامت صورت مصدقه سی ۸ نیشان
 سنه ۹۴ تاریخنده مر قومان خرستو شو و مغه
 ناشویه تبلیغ اولندیغی حالده مستدعی مر قومان
 قبولدن و مقبوضی حاوی علم و خبر اعطایا ایلکدن
 امتناع ایلدکاری کبی اشبو تاریخدن اعتبارا طرفنه
 تبلیغ اولمان تمیز استدعانا مه و لایحه سی صورتلرینک
 زیرنده تصدیق حاوی موضوع اولان فی ۹ اغستوس
 سنه ۹۴ تاریخنه قدر عندالحساب مذکور استدعا
 و لایحه ننگ مدتک مر ورنندن اوچ کون صکره اعطا
 اولمسنندن و ذاتا مر قومانک عندا تمیز حقسنراغی
 تبین ایتدیکی حالده حکم اولک اجراسنه راضی
 اوله جقارینی مذکور تمیز استدعانا مه سنده شرح
 و بیان ایتلری اقتضا ایدر ایکن بوجهت تصریح
 اولغیوب نقصان براغلمش اولمسنندن ناشی مذکور
 استدعانا مه ننگ ردی اقتضایده جکی و اساس ماده یه
 کلجه کندوسی مذکور زینجه بدایت محکمه سنده
 معلوم الاسامی سکر نفر کسانک اهالی قریه نامنه
 کندوسندن استقرض ایتدکاری مبلغ مز بورك
 مر قوموندن تخصیاتی طلب و دعوی و مر قومونک
 اسمنی دخنی تصریح ایش و محکمه مز بوره جه
 سبق ایدن تدقیقات و محاکمات نتیجه سنده دخنی مبالغ
 مز بورك مر قوموندن تحصیلنه حکم اولنمش اولدیغی
 مندرجات اعلامدن مستبان اوله جنی جهته مدعی
 علیه لک اسم و شهرت لرینک تصریح اولندیغی
 حقنده کی اعتراض واهی اولدیغی کی محکمه
 مز بوره جه محاکمه واقع بالکرت فوت اولنلردن ماعدا
 قریه مز بوره ننگ عموم اهالی و سکنه سی حاضر
 اولدیغی حالده اجرا قلمش اولسیله محاکمک انجق
 قریه مز بوره مختار یله اختیار مجلسی اعضا سنندن
 بوقاچ کسنه ننگ جلیله اجرا قلمدیغنه دأر اولان افاده
 و اعتراض ایله اعتراضات ساره دخنی واهی

بولند یقندن ردیله اعلام معترض علیه ک تصدیق
 طلبنی محتویدر
 بالاده محرر لایحه خارجنده بر دیه جکی اولدیغی
 مستدعیلر و کبلی عوادیس افندیدن لدی اسـؤال
 اکلاشلد قدرن صکره محاکمه ننگ ختام بولندیغی تفهیم
 قلمدی
 بونک اوزرینه اول امر ده مدعی علیه کومو اوغلی
 نیقوله ننگ لایحه جوایده سننده محرر اولان و مدت
 تمیزیه ننگ مر ورن ایلدیکنه و تمیز استدعانا مه سنک
 اصولنه موافق اوله رقی تنظیم اولندیغی متفرع
 بولنسان اعتراضک تدقیقه لدی الابدات مر قوم
 نیقوله اعلام معترض علیه ک مستدعیله فی ۸
 نیشان سنه ۹۴ تاریخنده تبلیغ اولندیغی حالده
 قبول ایتدکاری بیان و تاریخ مز بوری مدت تمیزیه
 مبدأ اتخاذیله مدت مز بوره ننگ مر ورنندن صکره
 استدعا و برلدیکنی تبین ایتکده بولنمش اسـئده
 اوراق تمیزیه مطالعه سنندن اکلاشلدیغی اوزره
 مر قومان خرستو شو و مغه ناشو طرفلرندرا عطا
 قلموب مذکور زینجه بدایت محکمه سنده حواله
 اولمان تمیز استدعانا مه لری فی ۲۹ تموز سنه
 ۹۴ تاریخله مورخ بولنمش و اعلام مز بورك تاریخ
 تبلیغی عدا اولنان فی ۸ نیشان سنه ۹۴ تاریخندن
 اعتبارا ذکر اولنان فی ۲۹ تموز سنه ۹۴ تاریخنه
 قدر عندالحساب استدعای مز بورك مدت نظمیله سی
 ظرفنده و برلش اولدیغی و شرائط تمیزیه جه سنندن
 اولان کفالت سندی دخنی فی ۱۱ مایس سنه ۹۴
 تاریخنده و تمیز استدعاسنندن اولجه تنظیم
 و مذکور بدایت محکمه سنجه تصدیق ایتدکاری
 کبی ذکر اولنان تمیز استدعانا مه سنده مستدعیلرک
 عندا تمیز حقسنر چه قدر لری صورتده حکم
 اولک اجراسنه راضی اوله جقارینی درج و تصریح
 ایتلری لزومی مین بر ماده قانونیه اولیون حکم

مز بور برمنوال محرر کفالتله تحت نامینه
 النمش ایلدیکنه بناء مدعی علیه مر قوم کوشو اوغلی
 نیقوله ننگ اعتراض مز بوری غیر وارد کورینه رک
 رد اولدقدن صکره دعوی تمیزک تدقیقاتنه
 مبادرتله ایجابی لدی المذاکره مذکور زینجه بدایت
 محکمه سنجه مر قوم نیقوله ننگ اقامه ایلدیکی مطلوبات
 دعوی ککوچک قریه سی اختیار مجلسی
 اعضا سیله معتبرانندن بعضیلرینک حضور یله بالاستماع
 برمنوال محرر رویت و حکم و اعلام اولنمش ایسه ده
 اعلام مذکور مندرجاتنه نظراً مر قوم نیقوله ننگ
 اساس دعوی مطلوبات مذکور سنک بندنه
 بولنسان دین سنداتنه امضاری بولنان مذکور
 کوچک قریه سی اهالی سنندن اولان پایا خرستو شو
 و مغه ناشو و اندریه قوجه باشی و توخار نیقوله
 و زخریا قرستل و پایا اطناش و کربا کینه خیره و چولاق
 خرستو ایله قریه مز بوره معتبرانندن تحصیل یولنده
 اولسنه کوره مر قوم نیقوله دعوی مذکور بی
 قریه مز بوره اهالی سی علیه نده اقامه و بولنلردن
 بالکرت سکر نفرینک اسمنی بیان ایدوب قصورینک
 اسملرینی تعیین و تصریح ایتامش و مجله احکام
 عدلیه ننگ بیک الی یوزاون یدنجی ماده سنده ایسه
 مدعی علیه ک معلوم اولسی شرطدر بناء علیه
 مدعی فلان قریه اهالی سنندن لاعلی تعیین برنده و یا
 برقاچنده شو قدر عروش الاجتم و اردیسه صحیح
 اولان مدعی علیه تعیین ایلک لازم کلور دیو محرر
 بولنمش اوله جنی جهته محکمه مر قومه جه ماده
 مز بوره موجبجه مدعی مر قوم نیقوله یه مدعی
 علیه اولان قریه مز بوره اهالی سنک اسملرینی تعیین
 و تصریح ایتدکاری و اساسی تعیین ایلدیجکی
 کسان علی الاصول جلب و احضار اولنلررق طرفین
 تشکیل اولندقدن وانلرک مواجهه سنده مز بور
 نیقوله دعوی واقع سی صحیح ایتدکاریله برابر

مدعی علیه ک جواب و افاده لری دخنی استماع ایلد کدن
 صکره مصلحه لازم کلان تدقیقات و تحقیقات
 اجرا سیله حاصل اوله جق نتیجه کوره کیفیتک
 اصول و نظامی دأره سنده اعلامه ربطی مقتضی
 بولنمش ایکن محکمه مذکور جه برمنوال محرر مدعی
 مر قوم نیقوله یه خصم لرینک اساسی تعیین وانلرک
 علی الاصول جلیله مواجهه لرنده دعوی سی تقریر
 ایتدکاریلرین رویت دعوی ایله حکم و اعلام و برلشی
 اصول و قانونه بالوجه مغایر و مستدعیلر و کبلی ننگ
 بالاده محرر اعتراضی دخنی بویولده بولنمش اولدیغندن
 نظامنامه داخلینک ایلکجی ماده سنه توفیقا اعلام
 مذکور نقض ایلدش اولغله نظامنامه مز بورك
 النمش طقوزنجی ماده سی موجبجه اعلام مز بورك
 کیفیت منقوضیتی قیدی بالاسنه شرح و برلد کدن
 صکره دعوی مذکور ننگ بوجه مشروح یکیدن
 رویت و تدقیقیله اعلامه ربطی ضمننده زینجه
 بدایت محکمه سنه ارجاعنه و مدت نظامیه سی طرفنده
 اعتراض علی الحکم و وقوعه کلدیکی صورتده ایجابنه
 باقلمسنه و اعلام و صورت و تبلیغ خرچلرینک ایلروده
 حقسنر حقیقه جق طرفه رجوع ایتک اوزره اول
 امر ده مستدعیلردن النمش فی غره رجب سنه ۹۶
 تاریخنده متفقا و غیابا قرار ویریلرک و کبیلاری
 عوادیس افندیه تفهیم اولندی

اعلانات

لازاری و علیکسان و پرکانک امام خلیل رازی
 افندی یه با اعلام محکوم به دینی بولنان مبالغ معلومه ننگ
 تسویه سی ضمننده فروختی محکوم اولان سلطان
 محمد جوارنده خیرالین محلله سنده یکی چشمه جاده سنده

یورکینک ابراهیم اغاده با اعلام محکوم به مطلوبی
بولنان مبالغت تسویه سی ضمنند مدیونک قاضی
قریه سنده عثمان اغا محله سنده رضا پاشا چشمه سی
قارشوسنده بوز نومرولی بر باب خانه بالمزایده لیرای
عثمانی یوز غروش حسابیله اون بیک بشیوز غروش
بدل ایله طالبی عهده سنده تقرر ایدوب موقت
قرار داده سی چکلش اولدیغندن تاریخ ایلانندن
اوتوز پر کون ختامنده قرار قطع سی ویر یله مکنندن
زیاده یه طالب اولنلرک اسکدار بدایت محکمه سی اجرا
دائرة سنده مراجعت ایلملری اعلان اولنور

عبدالقادر اغا ورثه سنک مصطفی اغا و نه سنده
با اعلام الاجعی اولان مبالغه مقابل مر هور اولان
کوچک جاملیجه ده واقع کروی ملک تخمین بکرمی
بش دوغ بر قطعه باغک فروختی مقرر اولغله تاریخ
اعلانندن اون بش کون ختامنده مز ایده سنه بادرت
اولنه جفتندن طالب اولنلرک اسکدار بدایت محکمه سی
اجرا دائرة سنده مراجعت ایلملری اعلان اولنور

مجله احکام عدلیه ده مندرج مسائل اساسیه بی شرح
و ایضاح ضمننده کتب معتبره فتاواندن مثال و لهرق
اخذ و درج قلنان مسائلک تفریقته علامت اولوق
اوزره مسائل اساسیه بیوک و امثله و علاوات کچوک
حروف و اون التی کتابی صره سبله بر صحیفه رقنه
تابع و اوفق قطعده و منتظم فهرستلی الهرق
بوکره طبع اولنوب صحا فلرده میری دکانه ده و معارف
کتابخانه سنده صا تالمده در

بر نومر و ایله مر ق منصرف اولدقلری ملک و کدک
اوتوز اوچ خصه بقال دکانه ک اون بش کونه
قدر فروختینه تثبت اولنه جعی در سعادت مرکز
اجرا دائرة سنندن اعلان اولنور

شیله یکی کوی اها ایسنندن اورته بویلی طقنازجه
بیاض بوزلی صاری بیقلی چیل بوزلی بکرمی ایکی
بکرمی اوچ یا شلرنده شقی مشهور ساملی اوغلی
پناکی ولد دیستوقلی ایله مر قومک رفقا سنندن و قریه
مذکورهلر اسمر بوزلی اورته بویلی قبا قرال بیقلی
الاکوزلی بکرمی بش یا شنده دینان ولد پارمق اوغلی
یورکی و اوزنججه بویلی قره بیقلی قره کوزلی اچبق
بغدای بکرنلی بکرمی یا شنده کلبک دیعتری ولد یورکی
و اورته بویلی طقنازجه رصاری بیقلی بیاضجه بوزلی
قرمزلی یناقلی طوانغون بوزلی اون سکن یا شنده
استاوری ولد خرستو و اوزنججه بویلی قرمزلی چهرهلر
صاری بیقلی مانی کوزلی کل باشلی جرکس
خورشید نام شخصلرک الله بولنان معلوم الاسامی
رفیق لریله بر لکده مقدا ککبوزه و قرتال و بکقوز
قضاری حوالیسنده کشت و کذار و قتل نفوس و غصب
اموال فضیحه لرینه اجناسار ایله فرار ایتش اولدقلری
اوراق تحقیقیه ما لرنندن اکلا شلسنه و مر قومونک
اشبو حرکتلری قانونا مجازات ترهیبیه بی مستلزم
جرا یمندن بولنسنه مینی جنایتله اتها ملرینه قرار
ویرلش اولدیغندن فراری مر قومون هر زرده
کوریلور ایسه طوتیلوب محکمه جنایت توقیفخانه سنه
تسلیم اولنملری لازم کله جکی بالجمله ضابطه عدلیه
مأمورینک معلومی اولوق اوزره هیئت اتها میه دن
اخذ و گرفت امری اعطا قلندیغندن اعلان کیفیته
ابتدار قلندی